

兩朝從信錄

兩朝從信錄卷之十二

秀水

沈國元述

二月 丙午

欽○定○會○試○主○考○何○宗○彥○顧○秉○謙○房○考○彭○凌○霄○施○鳳○來○李○孫○宸○姜○逢○元○孟○紹○虞○李○光○元○韓○日○續○錢○龍○錫○羅○喻○義○賀○逢○聖○林○鈺○丁○乾○學○薛○鳳○翔○蔡○思○克○惠○世○揚○周○希○令○王○洽○耿○如○杞○桂○紹○龍○楊○嗣○昌○

起○馬○孟○禎○南○光○祿○少○卿○

加○平○越○府○通○判○萬○編○遵○義○同○知○暫○管○府○事○

時○建○按○史○示○安○萬○編○學○識○兼○通○經○畧○才○猷○立○剖○紛○紜○經○紀○龍○新○風○解○軍○聲○習○符○鎮○遠○太○得○民○和○遵○義○之○民○聞○風○

特典

力行此法  
則千日有  
貞成應時  
有河漢矣  
壽域附子

歸附宜加以職銜署府印使之。一面經理。一面撫循。替官兵以從思歸之士。合義旅以助討賊之師。此以拾人心。恢復舊疆之要著也。朝議從之。

大學士朱國祚辭免典試奉

聖旨。今歲係朕首科。特用二輔臣以光重典。卿不必辭。該部知道。

吏科侯震賜乞簡別嚴邊守令。疏曰。職惟庚戌虜變。先臣徐階上言。今日之事。當責將士戰而守。令守將士一不利。輒坐死。而守令慨然自如。及賊潰矣。將士復坐死。而守令復僅左降。何以勸懲。夫能使民者守令也。兵一而民百。守令勤則糧餉必不乏。守令果則探哨必不誤。守令警則奸

細必不容。守令仁則鄉兵必爲用。故宜重守令。

肅皇帝立賜報可。今職觀九邊郡邑大約以科貢克之。平日既不能固結其心。臨變復誰與爲守。况大計入覲。地方各官非一人兼攝。則他途代署。望輕時暫。其不能展布四體以固吾圉也明矣。即如奢酋一朝發難。而烏驚兔逝者。豈在思亂之民心。實長吏倡率以去。言之髮指。今廣寧消息已斷。山海勢切剝膚。且據報虜與奴通。薊門永平一帶。在在陷危。不惟外憂并虞。內潰目前第一急著。安得不予守令而責之。欲重責守令。安得不乘此計典。方竣察其實能堪與不能堪者。而簡別之。伏乞

皇上立勅吏部將近邊守令倍加綜覈或才守無大乖張而冲危非其所任或年力未爲潦倒而戡定非其所長勿拘面情速與吏易擇才望卓犖膽力精猛者立限到任各保疆圉以護陵寢以固

宗社。迨時平事定准與不次之擢此實至緊至切勿更因循牽制使地方卒有不可知之禍也。乃若就計吏中拔異等謀略堪任折冲之寄者科臣周朝瑞剴切指陳職甚違之茲事更急矣。慨未見舉行或恐應變之才難以驟識職謂宜即日梅諭列爲條款令各殫方略或挺然自任或薦引他人并及將材等項書之于牘明白敷陳不許緘默投

送該部即于給領水程之日照過堂例分次省直據其所  
陳再爲逐名質問語云百聞不如一見地方利害與本官  
才貌歷歷在前除顏齡弱植觀面而知其不堪者該部自  
能分別固難強人以不能如年青氣壯早負能聲故爲謙  
讓不遑之狀者立註劣考其有察典掛名而才實有用者  
據職所知如張福珍呂睿李建和等現在京者並從咨詢  
庶國無遺人人無遺技而危急中得其一臂之用  
祖宗二百餘年培養不于此時竭力自効漫誇甲第爲榮  
豈復有人心者哉至于士民商賈輻輳輦轂或以利或以  
名夫孰非憑依

遼再逃高  
胡兩監軍

皇上之寵靈以榮身肥家一旦有警掉臂狼奔是何肺腑  
是何景象且使道路之間馬駟填委風聽訛傳起奸宄窺  
伺之端携善良固守之志實情法所不貸乞  
勅下諸司一併嚴禁職不勝激切之至

兵部叅論經撫道將望風逃竄奉

聖旨年來紀法不行邊臣偷玩遇敵逃奔罪在不赦經撫  
官姑依議戴罪聽候議處高出胡嘉棟已經再逃着錦衣  
衛差的當官旗拿解來京究問其餘道將各官着張鶴鳴  
會同王象乾嚴查明白具奏

吏部都察院接出

江乘謙劉  
弘化熊德  
陽等論本  
兵被罰

顯是直言  
劉公自命

聖諭朕覽科道官屢疏紛囂全無正論遼既陷皆因經撫  
不和以致官民塗炭朕深切驚憂頃張鶴鳴慷慨自請視  
師具見忠義爲國江乘謙等妄言亂政已從輕薄罰了  
今必結党瀆奏各逞已見不恤國家之急臣誼何在爾  
部院便傳與大小各官以後務要虛心協力共圖

宗社大計將當行事務着實整理毋得虛言再有仍前亂  
言混淆是非的決不姑息故諭

刑科給事劉弘化奏曰痛惟遼事之壞壞于收蔽然或遼  
與遼合而部議折之即部與遼合而

朝議持之又小喪失與中樞無與假遼功希冀此陞廢耳



未有悍戾主張凶德聚會直到壞不可支猶敢大家說謊如今日之棄廣寧者也先是前月二十四日奴賊過河報至二十五日御史方震孺遺書兵科同官等見之急言于閣臣恐廣寧或爲賊圍當速求一守關重臣以爲後勁以固神京保障今閣臣言兵部尚書張鶴鳴扶病來見似不可往而他所舉之人又各未有灼知因天色通曉而退次早朝畢臣等與閣部大臣再申前言鶴鳴疑畏當關撤潑橫器滿口穢汚大無人臣禮幸閣臣葉向高數語折之又臺臣劉蘭和爲留行語以解之方回噴怒臣即欲糾叅隨聞其自知亦有責任具疏請往旣聊慰其救焚之望

亦緩其誤。國之罪耳。二十八日。經臣塘報。言撫臣已棄廣寧。而兵部故弄機關。竟不得其全抄。未敢輕信。次二十九日。朝畢。諸臣仍聚語。而職方郎中耿如杞言。王化貞二十三晚。差人口報。尚在廣寧。雖臣揭報閣院云。撫臣且至寧前。亦不之信。及閣部進塘報。官問之。臣同官又呼口報人問之。則明明摹出失城景象。特其口似藏頭露尾。又似左支右吾。而未嘗直云失廣寧也。出而聞此口報。耿如杞實教之。以致許維新等出疏。特叅經略。爲撫臣也。臣猶未敢信。及三十初二日。連見督臣按臣疏。始知經臣抵關。撫臣殿後。道將相率而逃矣。其按臣貽兵科書云。撫臣

二十二日午時已押百姓而西更爲明悉臣不覺仰天泣  
血向使撫臣不厭言守如按臣述向經臣之言則廣寧守  
備雖不設之甚亦決不至此也或將自許六萬蕩平之兵  
固守振武如按臣計奴不能破振武則廣寧必不內潰也  
又或將十三萬之兵固守廣寧以待奴至爲五日十日計  
奴又不能持久而得利廣寧有恃亦必不內潰也又或現  
在西虜之四萬騎宵揚兵河上果如撫臣言奴必不敢狼  
顧而直前廣寧恃西虜亦必不內潰也豈謂半年說謊一  
朝斷送

皇上之封疆乃如此乎即有甚愛王化貞者再曰莫驚慌

再曰人先不信其尚敢出口乎經略罪狀許維新等五臣  
蚤有獨叅又兵科及臺臣徐揚先并叅巡撫皆欽奉

明旨不敢不靜聽惟是巡撫王化貞罪案尚未說明臣濫  
叨刑垣不避忌諱一臚列之夫化貞擁十三四萬衆專鎮  
一廣寧不從中制不受旁撓人皆信其成功從無一言指  
摘乃以

祖宗朝百戰之疆場爲說謊之戲且持三窟內倚百足之  
扶助爲護身之靈符平時實未一戰而唇吻妄言可戰以  
愚中朝以批強賊臨期畧不計守而執拘盡驅之戰以致  
奔潰以致逃亡賊未至而弃城先奔一年之撫綏何在城

已弃而猶䟽請渾身之斗膽無雙既能使本兵職方與之  
挾同說謊以遂其前非又能使舉朝惶惑經略獨叅劾  
以掩其新罪臣職掌所關愧不立請正法豈真畏其羽翼  
甚多如徐揚先所言以少此一段公案哉特以耿如杞造  
捏以報欺誑臣僚遂使臣言而已後耳虞世基抑損表奏  
楊國忠隱敗叙功盧杞陰謀激變韓侂胄躁動首禍千古  
而下讀史者恨不手刃奸臣豈料清明之世有如斯兵部  
如斯職方而人不敢言邪黨橫行一至于此況  
世宗朝不常以見虜城下斬丁汝夔乎

神宗朝不常以誤主封貢逮石星于獄乎而以遼事論一

敗于紅旗催戰、而李維翰逮人、且屢責夫曲庇之津要、再  
敗于馬上催戰、而楊鎬逮人、且論罷夫共事之輔樞、三敗  
于出城浪戰、而袁應泰死、崔景榮罷人、且問罪于揆地、即  
張鶴鳴且恒言薦應泰爲巡撫者之當究、又只以廣寧論  
高出以言兵逮、熊廷弼以控扼山海、台臣且澤有欲弃之  
謀心、豈有公然主戰之樞部恃勢朋比之職、方喪師弃城  
之巡撫、而寬于評論者、

皇上試問閣臣、千古有此國、是千古有此國法乎。臣聞張  
釋之曰、法者、

天子所與天下公共也、又聞陳確曰、

朝廷之是非也。天下之是非也。若取捨簡擇。一以私意。合我者是。異我者非。即楚莊弗取之矣。即閩臣葉向高。老成長慮。屢疏剖折。戰守甚明。而臣與有榮。有屏。張鶴鳴。亦有成言在。俱可覆按也。

皇上第念二百六十年之疆土。何以當。

皇上不次用人。不吝發帑。虛已以聽閭部。無一過舉之時。而遂使遼東盡至淪亡。又試查半年以來章奏。巡撫在官時。誰人有障之。巡撫走時。到今有疑案。是誰羽翼。是何情緣。只此亦可立剖。更乞勅督臣將巡撫道將逃回者。速速明報。與經略同時定罪。仍乞詰問耿如杞。二十二日。

巡撫已奔廣寧、二十三晚、何以又有口報、既知實有全報、二十九早、何以代爲改換、直云巡撫尚在廣寧、令其明白回話、然後概賜處分、兵部尚書張鶴鳴、濫賞已多、力主雖然勢甚重、法必不行、亦宜姑令戴罪策勵、嚴關稍存一綫之法、以警將來、庶國是明而

朝廷尊國法伸而後來之邊境猶可爲耳、謹題請

旨、奉

聖旨、國家多事、爾每大小臣僚、當協心共濟、何必力爭、經撫功罪一體同論、前屢旨甚明、豈容輕貸、今尚望其立功贖罪、故暫寬假、張鶴鳴自請行邊、豈得肆行阻撓、姑且



不深究着罰俸三個月

科臣懇震天威奉

聖旨這本說的是熊廷弼王化貞若能出關保守石屯漸次恢復姑准贖罪如不能立功即拿問正法其道將等一體同論該部知道

御史張汝茂奏曰臣考之律例凡守邊將帥被賊攻城不行固守而輒棄去因而失陷者斬今經撫職司節制身受封疆乃無端而橫爭口語及將緊要軍機盡成耽擱及虜一渡河望風奔潰守土者視弃城爲尋常監軍者用脫逃爲故智戎伍里巷之間以及戎降虜爲便宜令人髮墮毗

裂今廣寧失守料山海之外難留尺寸之地以爲障蔽所  
可惜者疆土之敗亡所可傷者生靈之塗炭耳若言守不  
守而先入關言戰不戰而不以身殉與夫一逃再逃諸臣  
自應立加尚方之劍夫撫臣當與廣寧爲存亡經臣當  
與撫臣共生死此已是鉄案何必更煩議論願以公虛之  
心正失律喪師之法以緊切之着急亡羊補牢之謀臣竊  
以爲今日事勢固是殘敗之局猶未必非整頓之局向者  
人心以關外爲沙漠之地出關卽送死之鄉故裹足不前  
抱頭欲竄今關內是中華矣人心可以無畏一也向者人  
言河涯渺渺營舍寥寥故棄而不守坐而待亡今關內成

輻輳矣。人力可以盡用二也。職請略言大勢而與當事者商所以守禦之策。夫燕京門建卜萬年之基。雄關屹立據一方之險。

祖宗創業固有深意。以沿邊而論。自山海歷一片石以至喜峰古北。考之舊制。防守甚密。迨承平日久。漏稅者逃伍者漸開。別徑用之成路。遂令處處可以躡入。今宜速委通曉細密之人。逐節逐處或復舊或創新。設險駐兵而關上重臣。時時踏勘。親督使烏飛莫渡而後躡入可遏也。以腹裡而論。自山海而歷永平以至通薊密雲皆爲緊要重鎮。今宜速置廉能道臣。忠勇各將。或沿河設險。或相地築鑿。

使處處把守、節節聯絡而後長驅可仕也。如各鎮調兵、恐此實彼虛、宜派定密約、特製兵符、開召即至。是在各督撫妙筭神威、以爲應援。至于京師門禁、盤詰爲嚴、在太平之日、尚須加意。職昨歲入長安、見門禁漸疎、故謂聞警則驟驚驟飭、稍寬則一弛盡弛。曾疏及之、乃今更何時哉。奴酋慣用奸細、效如影響。京師係四方雜處之地、倏往倏來、朝遷暮徙、兼有憑藉而不可問者、稽察尤難。今師濟在列、分布而各効一臂、着實舉行、定有頭緒。其城外增墩樹濠、札營清野諸事、亦宜先時鳩工督驗、毋得今日虛應故事。臨時措置無及。至於曉諭百姓、安輯人心、令市井仍爾

安業商賈仍爾通行尤爲第一義而二三大臣時以金匱鞏固之勢仰慰

皇上宵旰之憂使上下相安中外鎮定勿以張皇爲憂勤勿以葺廢爲持重勿以意見爲議論勿以調停爲和平則未必非易危爲安之一機也若夫任事在人

皇上拊髀而思當事虛懷而訪豈無幹濟之士應運而起顧知人固難用人猶不易如遼瀋之敗持節使從容就義豈不千載流芳二心生媿緣共事非人卒使未捷身先死英雄之淚空流事後遲封疆之削日甚茲者失守之經臣尚有惜其才戰敗之撫臣人亦憐其志而追其敗轍亦緣

並棲兩闕爲法廢身雖其自造之孽顧封疆幾何堪削文  
臣幾何堪此摧折故自後用人宜珍惜酌量毋貽后悔夫  
忠義在人心耿耿不磨國難見忠臣後來愈勁如諸臣所  
舉孫承宗鍊達老成忠良慷慨以文事兼武備以入相兼  
出將此正其人他如介介清儉之沈際即盛甲一事件件  
精堅井井論列之楊嗣昌即兵餉一疏言之切中皆實落  
做事之人無媿職掌若今日用則武將更急如屢薦之李  
懷信自效之毛文龍皆宜連召酌用使之戮力夫文臣力  
才已經部院咨訪乃武臣勲戚及武舉中之才堪冲邊者  
亦應令科部發單咨訪即總鎮衛所亦令悉舉所知叅合

召用如文臣行取例庶幾可以鱗集至備禦之方如所稱品字坑陷馬奔鹿角樞埋地砲高壘深溝皆足以備防禦所謂人事不齊倚之天險闔力不足勝之闔智嘗思古人用火牛五采文身束薪繫尾當其功未見時豈不令人掩口而笑又如竹頭木屑之需當其用不着時豈不令人鄙陋而譏及其功成川濟始見一段巧智卒令樹功不朽今既不能爲堂堂正正之師又不善爲用智用巧之計只是不做便了豈不令人攢眉頓足乃目前之最緊切者關臣兵部兵科咸宜添設報馬使邊塞信息刻刻相聞近如蜀之圍成都遼之困廣寧每成杳絕夫知虜而後可以備虜

豈得視爲細故。嘗見鄉會之報題名。真如神行飛渡。良以利之所在。人爭趨耳。矧以軍機重務。宜亦優以重賞。給以駿騎。固策應機務之要着哉。職言如此。所謂卑之無甚高論。且多經諸臣已言。願力行何如。只爭在名實緩急之間耳。惟

皇上亟賜施行

練鄉勇。從御史梁之棟議也。

駙馬王昺招練京兵

上嘉其忠義。○戶科陳胤叢捐俸預買煤炭。

上嘉其急公。命支太常庫積銀協濟。



遼東巡按方震孺上言封疆再已失守奉

聖旨廣寧不守失事各官情罪深重國法難容羅一貴只一裨將守堡殺賊六七千至死不降勇烈可嘉商邦佐以身殉難足媿偷生併祁秉忠祁著查明卹錄其餘道將等官姑着戴罪防守經撫仍候

肯定奪該部知道。

臣忠懷義  
大奇大奇

忠孝兩全

按廣寧既潰，監軍高邦佐赴松山，見熊經畧同事多諷以西走，不聽。念四日夜，邦佐謂其僕高永高厚等曰：「我受國恩，我不偷生，誓以死報之矣。」好收吾骨歸里以見吾母。即藁葬父墓側，使親仇死者兒不絕也。高永等痛哭，勸之行，亦不聽。沐浴衣冠，西向拜如禮，遂自縊。死，高永又謂高厚曰：「主人待我等厚，我不忍去。」人問：「死無使，令于前者汝理負我。」莫負土。人言異，亦自縊。高厚年十九，徒步入京，僅存皮骨，為佐佐高世彥道之。世

不意倭酋  
紛紜之日  
有此極正  
極快之論

方震濤揭  
可云撫臣  
極其輕略  
軍中作寬

詳夫邦作無窮之患有入十四歲之母  
向爾慷慨赴難從容就義其烈大哉  
以禮部尚書顧秉謙右庶子張鶴克經筵講官儀制員外  
馬應坤補講章尚書張問達等待班

命宿將仕應奎募兵訓練蕭如董等分營練兵

都給事中惠世揚奏曰職連接督臣王象乾按臣方震濤  
塘報夷虜暗通于正月二十日渡河攻鎮我兵迎戰敗北  
經臣熊廷弼各自右屯趨閭陽以援廣寧廣寧弃于二十  
二日是時奴尚在沙嶺也化貞休于先聲又為孫得功所  
迫脅馳至閭陰同廷弼並馬過寧前至于今而駐中前所  
駐關上與道將等官覲顏苟活以待斧鉞之誅三尺具在

豈容偏爲出入。惟是關以內處處單虛。此番失事情形。不比佳時而舉朝婦人徒爲鎮定之言。不爲鎮定之事。延挨過日。凡幸奴酋之不即來。且晚可無他虞。猶然望門投刺。應酬人事而已。猶然送往迎來。征逐宴會而已。猶然寬袍大袖。威儀爲祥而已。猶然飽食安居。體統自雄而已。猶然脩文束武。矜名失實而已。猶然交構立煽。通言是聽而已。猶然驕蹇。不情厭薄。

朝廷而已。猶然色厲內荏。逗遛國門而已。猶然一柄衆操。置身于是非成敗之間而已。猶然一面數粧。調停于東西南北之間而已。諸如此類。不可枚舉。以天下安危付之。

皇上以

皇上安危付之天地

祖宗試問誰守山海守之之法安在則自慰留經按而外  
茫然無應也試問夷虜合謀只通山海而京師何以設  
防使人心不亂茫然無應也試問奴若至城下勃王之師  
何以次第入衛布置何方糧料何在茫然無應也試問都  
重二城周廻數十里守塚官民何以分守內外奸人何以  
清查各門何以開閉煤米何以蓄儲茫然無應也試問京  
營軍兵分練何時待其分定敵已入關以演習戰陣而外  
尚可撤衆爲城守之資否茫然無應也試問主犖轂之下

有奴賊焉。戎政重任。屬之黃克績。想其忠孝性成。不負

聖意。此外卿寺濟之。尚可簡擢一二。以備緩急之用。否。茫然無應也。非無以應。蓋欲應之而不暇。堂堂敵愾之念。移而爲全身保妻子之念。萬一事變非常。有大家相率而逃。且如經撫道將。奴未至而棄城奔竄。舉數百里土地。數百萬生靈。數百年積聚。拱手予奴。而處法止于再逃二臣。嗟。嗟。言官言事。少拂當路之意。便遭摧折。至糾罪樞職。方之不得而失官封疆。必再逃而後議罰也。尤而效之天下事。尚忍言哉。伏乞

皇上大奮乾斷。立命閣臣責成當事。一切戰守機宜。勒限

漢守前屯  
以遠哨探  
最急策

刻期報 奏施行

○巡按方震孺上言山海不可無外獲急宜駐兵中前以爲  
○山海眼日夫河西既陷經撫既已入關山海一堵之外即  
爲賊矣喜峰桃嶺之間處處防虞處處防夾安見榆關一  
線遂足以鎮薊門耶山海之外必不可無眼目或置重兵  
或設遊騎或安烽火此守山海之策萬萬不可易者中前  
地方因臣駐扎其地又嚴諭守將周于才謹防西虜故城  
郭人民至今無恙此處宜宿兵一枝以寧遠爲嚆道此日  
前之急着也據道臣韓初命所報吳自勉等營尚有兵萬  
人伏祈

皇上急勅督臣速遣將發兵駐札勿使此又爲西虜所據  
奸民所焚以致后日欲取而不得也臣草疏甫竟忽報虜  
騎來搶中前隨被我兵斬虜首十一顆維此一剎則寧遠  
之路復通其城中廬舍雖間有焚者然無損于城郭也但  
有好兵將急擇一人守前屯當不復再計矣

川師克復安岳樂至二縣

四川叅政王世仁報云撫臣朱燮元按臣薛敷文及諸道  
臣日夜籌畫督率官兵于十二月二十四攻潰賊營恢復  
安岳縣二十五夜戰于倒流鎮斬賊首級十二顆二十六  
一戰斬賊級四十五顆生擒二名本日未時又戰斬首四

十七顆生擒二十名二十七。賊衆萬餘來到石橋永清鋪。大戰我兵斬賊一百八十二顆生擒千總二名二十八日。夜攻破營恢復樂至縣斬首級一百十二顆各路兵集此已多秦良至兵三千亦至約于正月十七日合戰總督大兵二萬五千六百已到共計滅賊只在目前矣省城路尚未通按差一時難出臣身到地方聞已真切不敢不報以寬

皇上西顧之憂

知此查糾  
與正平心  
之附

御史謝文錦以經撫罪案原明謹平心直剖疏曰慨自河西警報方傳軍民奔潰如水一時人情洶洶議論紛紛未



必盡平盡確。職以事起倉卒。語傳傳聞。何敢輕置一喙。今經督撫按各有疏揭。其移閭陽離廣寧。並入關日期。歷歷分明。鑿鑿有據。職亦可付之無言。但前者邸報抄傳。人心疑信相半。從今不立定案。後來必伏疑端。謹據實爲

皇上陳之。經臣熊廷弼控扼山海。調度三方。廣寧原非轄外。而必欲驅之右屯。初因賊報緊急。移駐閭陽。分兵應援。未爲失策。迨至軍民奔潰。率兵殿後。與撫臣並轡而西。不能隻身殉敵。惡得無罪。但兵忌嘗玩業。已具疏

上聞。而守定後戰。又與樞撫爭執成仇者。此經臣之案也。撫臣王化貞仗鉞廣寧。專制一方。滅賊固其壯志。而未見

確有成謀。初意庸慙外助。永芳內應。僥倖奇功。不覺隋計。乃復催兵浪戰。守備不設。棄廣寧。馳馬而奔。不暇照管。封疆罪復何辭。但六萬蕩平。業已誓師入告。而又不共戴天。亦熱腹激烈。綽有擔當者。此撫臣之案也。據經撫見成之案。議經撫應得之罪。

朝廷自有處分。決不意爲輕重。乃幸災樂禍者。藉以報其宿憾。而望風承指者。謬欲取夫新令。或請速逮經略。或請速斬經略。而撫臣身任封疆。若漠然事外。可不問者。平乎不平乎。近且流言煽播。謂欲甘心廷弼。而以化貞仍移薊鎮。是非至此。顛倒已極。恐兒童婦女。亦有心知。其何以服。

足令驚王  
心死

本兵亦  
古

南朝從信錄

卷之三

七

經撫又何以服天下後世之人職竊嘆經臣責任雖重事  
權實輕不幸與本兵相忤繫手縛足展布無由雖欲圖固  
守而不可得則經臣之罪其將安逃撫臣意氣既銳焚惑  
復多又不幸有本兵爲主言聽計從祈請如意雖欲不言  
戰而不可得則撫臣之罪又將安逃是二臣之陷于辟者  
實本兵張鶴鳴致之且運籌決勝職在中樞審彼已之勢  
決戰守之機豈異人任而待詬誶罵凌漫無定畫明分左  
右之袒激成水火之形以致斷送河西震撼山海本兵其  
何辭以解千衆而顧得優游局外乎值茲國難方殷需才  
正亟之時職豈敢有意苛求况本兵自請視師新膺特

爲遼東之事。一以委之。但亦當在戴罪立功之列。設奇制勝。收拾殘疆。以報

天子。庶幾不負此行耳。職憶中府會議時。本兵怒色痛謂。經略蟒衣玉帶。逍遙河上。于心何安。今本兵亦荷

廷遣。恩禮優隆。蟒玉駢錫。今當有所以酬。殊恩。愜本心者。本兵好爲之。至于查揆失事緣由。尤當同督臣至公至虛。按情定罪。勿以偏憎偏愛。毛髮高下其間。庶足以昭國法。而服人心。職不避忌諱。冒昧剖陳。仰冀

天聽。伏乞

皇上俯賜採擇。職無任惶悚之至。

以孫承宗爲兵部尚書兼東閣大學士入閣辦事○起李懷信總兵大同

戶兵二部接出

聖諭朕自登極以來夙夜孜孜惟封疆多事民困未舒是念所有加派錢糧俱免兵餉亦惟圖勸除兇逆又安方內使吾民得安于田里室家相保以稱朕愛養惓惓之意無奈東西告變經費日煩以重累吾民朕甚閔焉今以將吏之用力士卒之用命共誅西賊蕩平有期惟是東賊猖獗侵我西河轉輸征調未得息肩地方官當曉諭百姓以朝廷不得已用兵暫時加派吾民當以急公爲義稍俟寧

平即行蠲免其帶徵錢糧已免二年北直隸地方頻年騷擾苦累尤甚併免加派以示優恤有司設法團練鄉兵令各阜保閭里中有智勇才力之人即行獎勸或闕送督撫兵部衙門酌量擢用其河西逃難士民不肖從賊來歸內地尤可憫念地方官即便安插給發倉穀多方賑濟仍撥與空閒地土屯聚耕作毋使令其失所有壯勇願充兵者聽有奇謀異能志在復仇者即與錄用兩部即出榜曉諭仍行與各省直撫按官一體遵行朕實不德貽累吾民惟祖宗德澤國家法度朕不敢忘二百餘年金甌無缺之疆宇朕不忍棄凡我臣民悉心殫力共期匡濟以安享太平

之福毋負朕意故諭

總兵楊茂基吳守德出鎮延綏寧夏

十三日宴卓異于禮部命侍郎周道登筵元輔葉向高翰  
倖助農

上以其爲國憂民深嘉之

禮部侍郎來宗道克日講官

御史賈毓祥上言兵潰習以爲常奉

第

聖旨廣寧失守經撫罪無所逃王化貞着錦衣衛差的當

官扭解來京究問熊廷弼着革職回籍聽勘其逆將等官

着撫督巡撫官從公分別具奏情輕的姑准戴罪立力分

派委用不得推諉一應防守事宜着張鶴鳴會同王象乾用心料理便宜行事經略員缺作速會推來用該部知道王紀爲刑部尚書

袁崇煥爲職方主事

贈清節名臣包見捷工部尚書

遼東巡按方震孺奏曰

皇上空四海之金錢徵九邊之精銳一片殘疆交付經撫而兩臣終日開口精神不相聯貫臣業有屢疏而又告之政府告之本兵自言無死所矣今上之不能爲戰次之不能爲守首尾四月河西盡陷從來失事未有如此之速者



論經略

論北竇難

論經略

也。向經臣以爲原不敢主戰，原不主河上住兵，原言遼將不足信，今其言一一皆驗。即臣亦不敢深求，然經略一軍之主也，說不得苦，說不得難，可以張主者，固宜儘力擔當。即有掣肘者，不妨委曲相濟，期于裨益封疆。經略之職，始稱而今日上疏，明日出揭，成何職守？因遼東而起經略，詎期并河西而失之，非常寵眷，位極人臣，不識何以酬此隆典。臣不敢爲經臣熊廷弼寬也。撫臣吞賊之意，真可以天地而質鬼神，汲汲憐四海之困窮，未細察奴酋之利，免過信回鄉之言，易視奴而以爲畏我也。過信我兵，我將真足以制奴之死命也。如臣前日直述情形之疏，語

定崇

語先道破矣。撫臣親爲臣言。昨之失着。全因劉渠不遵前  
後計較。盡撤鎮武廣寧守兵。僥倖一戰。蓋鎮武兵撤。則藩  
籬空。廣寧兵撤。則威權去。人心安得不亂。憶臣離廣寧時。  
撫臣對臣而言曰。今年三月大計。待子來進兵。臣即叮嚀  
撫臣言賊幸未必來。即來。我當疾趨廣寧。幸留固根本。纔  
幾許日。豈遂忘之耶。人心一變。賊未來而廣寧先潰。寧前  
瓦解矣。至于出城一節。實因遼將孫得功黃進封火藥軍  
器等庫。迎接奴酋。非江朝棟先知其謀。撫臣不免矣。民不  
與守。即撫臣且奈之何。撫臣常言賊一過河。斷斷不能守。  
是以坐而待亡。不如制之之疏。誠欲先置之死地而後生。

何知不免

也。奴過河而遣孫得功、金勵業，當亦無幸。臣不敢爲撫臣王化貞寬也。若督臣王象乾鞭長不及馬腹，自應免議。至于諸道臣，有戴罪受苦而無功者，高山胡加棟也；有聞廣寧不守，隨經略而西者，韓初命也；有廣寧人心既變，城內相殺，撫道幾不免，隨撫臣出城者，牛象乾也；有策應廣寧而廣寧已陷者，邢慎言也。有因西虜縱橫，人民盡逃，而城廓無恙者，張應吾也。此番失事，變起呼吸，賊生肘腋，且諸臣隨經撫而趨，情似可原。然封疆既去，照律分別治罪，寧嚴勿寬。一按

肅皇帝之法，亦復何難。當此呼吸存亡之際，一面責其死

高拱

徐承忠

劉烈

第一貴  
與正好度

守山海，不得以待罪卸擔俟。各有代者至，從容議罪，或量  
釋一二人而用之。然非臣之所敢寬也。惟巡道高邦佐、煉  
慨自縊于松山，可謂一時之烈。其卹典宜從重。自不待  
言。若諸將祁秉忠、扶病力戰中箭而死，此爲第一。劉渠傳  
聞落馬不知下落，有傳其死者。昨承差史景芳自鎮武走  
出，見其牽戰馬，家人忙報其妻。渠以墜馬以八旬母爲托。  
項渠之家屬，且伶仃南還，則渠固死矣。惜哉。又奴攻西平，  
一日一夜不下，砲打傷賊兵六七千人，尸與城平。賊半夜  
布十面雲梯，竟不能下。賊臣李永芳知守者爲羅一貴，欲  
招降之。一貴在城大罵曰：「豈不知羅一貴是好漢，肯降爾。」

平亦豎招降旆永芳四面環攻三進三卻城中火藥盡一  
貴遂自刎死城內兵盡爲奴所屠昨楊丕顯走出始得其  
詳嗚呼烈矣其他諸將死生未有確據容備細查明與府  
所各官另行具奏至于事定之後查功論罪然臣自反  
獨無愧于心乎去河上僅十日耳遂有此變直夢想不到  
賊臣生亂巡撫走虜寧死守有志不酬冰上一跌臂肋俱  
折病發悞事無有覲顏冠帶之理此時不敢言病危但蓆  
綦待罪聽

皇上勅下處分者也無任惶悚懇祈之至

川中兵報

陝西巡撫呂

奏報先接鄂報該商賈司司丞到時

俊具題奉

聖旨賊情着陝西鄧陽延撫官差人偵探不時確報欽  
此除將已經撫報外今續據陝西分巡關右道楊光華  
報稱今將四川陣中所遺鄧州鄧先士書札僅奉鄧尊  
台前允中不能逐位裁報僅將十一十二日至十八日  
止事實上聞十三日萬縣兵與各營打陣殺斬首級  
十五十六兩日探營兵北營于石梯驛次日即往十  
頭鎮探聽遇賊相射斬獲十餘顆內有大頭賊完事矣  
十五日賊假新部鄉民集于云叫代兵來同去殺賊有  
萬縣兵三十餘人同去首有二百餘名至前村將正  
副團住云你們白打子送着我們是鄉民不是正總等  
只去不曉即與對殺可憐忠奮之兵與為賊斃止有八  
人大傷殺回次日首說鄉民與我兵傳息又假向白打  
子云我們去殺着首將民兵殺了二三百人痛哉痛哉  
至十六日首云我兵將他人殺去甚多奔首于十七日  
五更自有起身直抵石梯驛將標營圍困加衝指揮賀  
民望等曾與首等在重慶相議認得的即同大罵一陣  
方出營對殺民望將白獅子一鎗刺死各頭爭先又馬  
純祖督我邊須援援萬縣兵齊出將首賊三千餘奇圍

敵大戰自辰至未斬獲五百餘人俱是騎馬辮髮者本  
回馬三百匹五營將官俱各得功想酋必寒心而逃矣  
正俟二十後看有緊急逃否再報營中冗冗不及專布  
乞將此信看過一處寄一處以慰遠望之將據報打探  
事宜抄報十一日起至十四日打陣共計功二百餘顆  
得馬一百餘匹記功簿內查明十七日奮兵統領二千  
有餘黃德鎬前往交戰力敵不住郭推官放白杆子出  
陣兩兵一攻將奮兵圍趕河中岸俱放火說剿敵天明  
得功九十有餘至十九日奮職又來戰場中死屍內尋  
奢從明叔父的屍首今二十日午時又有塘報去綿州  
監軍道報奮賊差馬兵十八騎前往什方探聽恐往綿  
竹至安樂綿州打聽退路恐往各州縣去其各處人役  
當要盤詰不可亂放一騎馬入城又差楊千戶領兵去  
什方綿竹打聽消息去了其後人存報來今抄塘報傳  
與通衙知之可領諸兵儘慎盤詰奸細不可大意大約  
水手不過指日等情轉報到職緣係叛兵消息理合塘  
報

以白兆慶為都督同知王世欽加署都督同知分管神樞

營戰兵

舉經筵

搜訪將才

中式舉人劉必達等謝恩

刑部主事王之案奏曰、今天下大患不在夷狄而在中國、中國大患不在外訌而在內應、內應者應在內也、臣敢爲皇上直言而聽誅可乎、竊聞

君父之仇不共戴天、義不反兵、士弗共國、臣子且然而况於

天朝、宋襄公復仇世之仇、春秋大之、易世且然而况於當



世、往歲李選侍氣厥 聖母蒙

皇上再三出 旨、布告中外、即奸相方從哲還 詔旨、仍諭發出、自是中外知選侍惡同武氏、日夜爲西宮貴妃計、明旨點破、逆計潛消、

聖母在天之靈、必有心安而日瞑者、此復仇一大義也、乃先帝一生、耦遭三十九歲之多難、不克享四十八年之半齡、彌留之際、飲恨以前、比時言官論之、卿寺論之、而

皇上諒陰、未之行也、夫李可灼之誤用藥也、引進者誰也、崔文升之故用藥也、主使者誰也、時從哲聽政、將誤認故、平、原情定罪、不當置從哲於可灼、文升之下、此

先帝之仇未復者一也夷狄之橫也戎無華也張書紳曰人深入奴穴致銀三十兩一背包脩書請出帶書漫罵則盧受之爲也博士徐大相兩疏特參

皇祖從受遺四人鄭貴妃主之方從哲聽之且馳書催師明知其敗而催之至今遼東屢陷海內騷動失事諸臣罪固難逃招之者罪大而不可解矣此

先帝之仇未復者二也乙卯之變當張差執梃闖進時突犯

先帝安危只在呼吸

皇上安危亦只在呼吸間此乾坤何等事也乃巡視

皇城御史劉廷元、遮蓋奸謀、以風賴具奏矣。本部承行郎中胡士相等、改註口語、以賣柴成招矣。五月十三日、借名拜禮關王神、逼清堂官張問達、力疾視事、五鼓批行。即於是日、欲決張差滅口、而不知臣疏已在袖、即於是日入告君父、出揭各衙門也。後十三日、復審張差、招同謀做事、裏外有伏兵、他的人也看裡。李守才招商量打夥朝來、馬三道招商量同來、只在城外邊、詳具張差出首手本、并抹殺逆情一十八條內、當時有內應、有外援、一夫作難、

九廟震動、何物兇惡、敢於作亂。至此緣勲戚鄭國大私結、  
光復姚宗文等、金帛珠玉、各滿其欲、言官塞口、

莫敢誰何遂無復忌憚而睥睨神器欲化家爲國耳國太雖死罪不容死法應開棺斷尸夷其族脔其宮以爲人臣大逆不道之戒此

先帝之仇未復者三也摠之用藥之方即通夷之術通夷之術即挺擊之謀共一線索共一提掇無非深怨積仇於先帝而荼毒至今未歇也向使張差事發追究根因究治逆奸今日之蘆受文昇敢復逞哉在京之方從哲敢不在位而謀政哉長安公論有曰風顛二字欲抹殺亂臣賊子就廷元評廷元也奇貨無功四字欲抹殺忠臣義士就光復評光復也擊不中而假之夷夷勢緩而促之藥是昇之

藥慘於差之挺也。是受之書烈於哲之書也。張差之前從  
無張差。劉成之後。豈無劉成。誠恐亂賊接踵。而忠義難以  
奏手也。臣見

皇上之孤立於朝也。爲今之計。惟乞

皇上與閣臣深圖蚤慮。貴妃選侍二宮。用女官侍奉。毋  
令中使往來。聽其自裁。

皇上前後左右起居。若而人。司出入若而人。如周禮所列  
內宰內豎。閤人寺人。隸其名於冢宰。使外庭曉然知保護  
聖躬之有人也。其通夷者。進藥者。主使張差打夥進來者。  
敢乞

皇上應爲處分。京師內外驅除內應如龐保劉成之徒。無使滋蔓至於卒不及國也。孔子曰。吾恐季孫之憂不在顓臾而在蕭牆之內也。晉史蘇曰。有男戎必有女戎。女戎陳而男戎遠矣。內憂弭而外患消矣。

祖宗誅奸之法行而

先帝畢世之仇復矣。不復法不行而姑息因循日甚。一日萬一虜簿城下。白蓮因土皆可爲患。即死難百千。何益於成敗之數乎。臣愚不識忌諱。敢昧死以聞。○欽犯張差出首手本。欽犯見羈監張差手本出首爲無知犯法事。有差母舅馬三道。繫紅封教道人。同丈人李守才在炭伯鄭

爺毛爺趙爺處門下做庄頭。差到黃花山。撞見馬三道李  
守才。龐內相。劉內相。衆口說來正好。只用你的名字使裡  
老公與我棗棍一條。本月初二。回到玉皇廟右內院裡喫  
茶。說明日去罷。好的多著裡。初二日。離了山。龐公騎著馬。  
我跟著走。到燕角東。不知名姓舖歇了。初四日來到不知  
街巷大宅子。內有劉公。公與我飯喫。不要餓著他。休要多  
了。你先衝一遭去。領著。從後宰門入。你的力大。逢著一個。  
就打殺一個。闖宮門入內。化

皇帝太子。死了。與你地土。喫不了。富貴受用。還有大好處。  
還有紅引印票。叫我從四十一年。今還在收著裡。小的口

喫述齋。他的天下人多著裡。商量三四年了。所首是實。臣問毛爺是誰。招云是侯伯。繫鄭爺兒女親家。問趙爺是誰。招云他門下的官。號梅山。臣問撞着打殺他家亦不得了。招還欲打上。乾清宮去。臣看此首詞。怒髮衝冠。即日具呈堂上面議。事重大。付職收訖。後十三司會審。招詞與手本同。各司胡士相等。從主風顛者也。堂官調停風顛者也。若無臣疏。風顛結局矣。竊擬寺臣王士昌疏忠而心佞。評無隻字。頌多溢詞。堂官張問達語轉而意圓。先允風顛。后寬奸宄。因人作事。欺世瞞心。仿一路行騎兩頭馬。玩神器于筆鋒之上。鼓正人於口蜜之中。罪有重輕。法無偏護。伏



乞 聖裁

欽審問官抹殺謀逆情節一十八條。巡視劉廷元攬謀。胡士相員外郎勞永加等同惡相濟。多遺口詞。本月十六日。四司官員會審。提牢廳未問張差。永加手舉四指。口說只審四句。衆問何意。答只用四犯人姓名。不及深究。士相呈稿。陸夢龍堅不盡押。堂官請亦不至。委十三司審。欲抹殺一十八日。會審張差。招龐公劉公同李外翁馬三舅商量明白。逼著他來說明白。做事去罷。奸的著裡。不曾入招。欲抹殺二。差招教我打上。官去打。小爺問龐保劉成。他見做官。怎麼要害。小爺招他一統天下。要選官裡不

曾入招、欲抹殺三、伏招劉公領我進去、教逢著人就打、我到宮門前、劉公還在、分付在朝裡休要說話、不曾入招、欲抹殺四、於念五日會審、在山東司、差招老公外翁相處、糾五月初二日商量到黃花山玉皇殿、西隣石寺小庵喫茶畢、龐公說你三舅是誰、丈人是誰、三舅不明說、暗處他怕失言、他背做老公、與我明開了、我丈人說你和老公說話、只看好、就是了、招詞止有小庵宇、疏內削去、欲抹殺五、李萬倉招張差、原莫有風病、只是說話風風勢勢、莫見他喫藥、士相說寫此一段、難爲巡視、不曾入招、欲抹殺六、李自強妄招兩年、我們柴米都被人家放火燒了、柴不燒、張

差不要他不借銀、自強即燒柴之人也。多寫風話，欲抹殺七差。招外父同在三舅家商量，就了初四日，你誦去撞一遭。李守才招與龐保、劉成，原同商量，與他地三十五畝，還有許多好處裡。馬三道招原與同謀，又招小的同來，只在城外邊貳犯招詞，十八人眼同落筆。士相割單，各縫有堂印。此印欲抹殺人，差以手拍地，招你們同謀做事。今事壞了，不謀殺我，又招還有三十六頭兒，怎麼不報。叫李真、張東周來，就明。士相繼禮說：「千連人多，士相閣筆。」臣聲言曰：「此按宋江三十六也。如何不記？郎中唐嗣美初未受賂，舉笔直書。后士相於旁邊私添一香字，字迹不

對見者駭之。欲抹殺九。又招你們東遼一起幹的事。我也說了罷。岳駿聲等言波及無辜。要說莫人問後。問有昇張業王仲爲首。欲抹殺十。至二十六日。會審孔道招小的喫肉喫酒。原不曾背復招見了鉄瓦殿高真人。與他叩首當堂教唆張差。劉公是好人。你虧劉公。差招城北富家應插下。葛楷標子。約會衆人要我說。初四日來。悞了日期也。活不成。孔道住此庄。豈不知情。欲抹殺十一。差招桃頭有鉄束有鉄人。也有莫鉄的裨。外有伏兵他。的人多著裡。又招此會叫龍華會。衆人做事商量三四年了。此未入招。欲抹殺十二。差招正月初二日。封我張真人。就撒了棍了。本司

改爲柳木棍臣詰更招詞堂官言柳木棍亦打死人又於  
尾後頂小字兩行原單未有臨行又加封號俱未書單欲  
抹殺十三原問口詞堂官手抄五段臣同科官李俸看招  
陸夢龍任寫岳駿聲躲出許允臨完抄看語一二句塞責  
而已欲抹殺十四六月十三日脫稿謄真問駿聲等填入  
原口詞五段約同講者具呈堂官而且不同本司看語必  
不盡摺欲另舉事堂官答本司看語一字不改始諾諾而  
退試閱本司看語有一字爲青宮否欲抹殺十五復於  
十四日永加駿聲同曾道唯至本科令該吏章承順忌而  
揚言山東司原招誰人擅改李俸直任曰堂官令本科做

招差處駁正何爲擅改三人辭色不善賴主事曾曰唯解之曰午具疏欲抹殺十六自知計窮又以山東司看語藉口十三司發抄十三司不知也欲抹殺十七招內共主奸謀馬三道與李守才各不合不守本分同張差投入黨內四人挑朱瑞鳳改爲投入教內臣義結問堂官言更一字亦罷臣言春秋嚴一字褻貶豈可擅更且招曾有紅封票又有高真人主持鉄瓦殿士相說是高高的真人不是人姓永加說不及究紅封教令高一奎見監薊州年四十五歲繫鎮朔衛人欲抹殺十八蓋高一奎主持紅封教者也馬三道管給紅票者也龐保劉成供給紅封教一夥人人撒

梃者也。今內封號之人，即執梃進宮之人，改寬爲教，欲爲奸人尋活路，而不知其異教即同黨也。張差所執之梃，即劉公所撒之梃，以撒爲砍，欲爲奸人滅踪跡，而不知兇器在內府也。嗟嗟！諸奸亦爲人臣有人心者，心知非風顛口說風顛，以堂官對衆手單而突膽擅改之，以十八人會審公單而私意增減之。

國家大獄，官禁大逆，欲朦朧結局，并亂臣賊子掩匿之，是何心機？是何行徑？按律劉廷元、劉光復等已犯十惡之首，大逆不道，非止大不敬也。馬三道、李守才等，罪在不赦之例，因謀危社稷，非止煽惑人民也。伏乞

聖裁奉

聖旨奏內事情已經

呈祖處分不必追論

大學士孫承宗敬陳目前切要疏曰臣幸以章句供奉

講帷今且備佐丞弼得趨陪同事諸臣隨事納忠且

國家急切大務爲言官論列閣部見行者無復可更爲建

白但以臣愚仰見

皇上講學勤政虛已任人其端凝清靜天下固已引領相  
望太平而一隅不靖四海騷然一時大小臣工聞警惶惶  
莫知措手且見年來兵務多不練餉務多不覈以將用兵

補偏救  
識力卓然  
真將相才  
也



而以文臣招練以將臨戰而以文官指發以武爲邊備而日增文官于幕以邊任經撫而日開戰守于朝其種誕漫因循之象徒相與咨嗟而不能逐故以一隅勤天下遂至歛天下之兵於邊而既壞一隅兼壞天下臣愚以爲今天下急務在以拾人心而欲收拾人心在大振天下之氣其綱紀大要惟願

皇上勸勵臣工共奉 祖宗之法度以沛

朝廷之德澤而先選精敏有爲之才茲從古 國家多武健之吏敝爲器陵 國家多謬情之吏敝爲憐麻方今百事因循要政叢脞且令吏部細加體察凡寬博迂迂文藻

近弱遲暮近衰。急爲量核。務得精敏有幹局者。布列兵馬。錢糧之司。用老成供以果銳。一時撫道。務極一時之選。大破常格。勿拘資叙。又不得借破格以循情分。至京內郡邑之長。務擇廉于羞色。尚可披儲。而廉力不私。幹乃有用。遼可積餉爲兵。凡應聲之征。皆可咄嗟立辦。一方城守。事事爲需。此于凡地盡然。而圻內爲急。至于武吏。宜令兵部調諸將才望者。偏覈之。擇一沉雄有氣畧者。授之鉞。俾府專辟置。凡偏裨而下。得自擇其人而授之。或仍令其自擇所意氣相合者。即以其人若所辟置人之分募精卒。多不過十萬。或有見兵。若調募來者。仍當令其自爲簡汰而用之。

如所自募設其撫賞之費而任屬專聽信明文吏得與謀議供軍實不得制其師蓋文吏拘泥不達時勢好用小見所以御吏卒而得其死力者講說或足以爲歎而法固近人而入其心今以文統武自是敝法以極不知武之文統極怕文之武更屬極敝之法如東之役止合設一大吏兼統登津蓋

國家爲全遼設官不過撫鎮其下可指數也臣謂今之國家但得無多設文官則武吏不輕如向者劉杜近者羅一貴之勇烈俱爲可冤御史曾言羅一貴可將宜加之兵而卒以三千死惜也假令得專制之權而伸縮可以如意何

至于敗臣又以爲既重武吏之權則當寬文吏之責。起家毛錐詎盡韓范而矯矯見氣岸輒用爲邊才然試觀不効故年來經撫而下多起于廢棄之餘及驟加之貴蓋予之以不宜得之榮實予必不可逃之禍其拜命之日已視爲飯糗而擇一賢才無皆嘆惋故吳才相與避匿不肯往倘既重武權而文吏不得侵其事便宜輕文之譏而不得繫繩于法庶賢豪肯任事于冲邊而不致于敗衄則死敵死法者累累如三經撫何事不可爲而相次入網羅亦可惜也臣愚又以爲既得沉雄膽智之將便當以遼事界之小勝小衄皆勿問要守關無闌入而徐候兵力之厚

爲恢復。非靡兩處東聯海防。無諱于所未效。遂以爲不可向。而城堡有所復。則以其人昇之法黔國。使其人之精力全用于遼。蓋得寸則寸。得尺則尺。以幹家之智。幹國必無遺力。而

西虜

朝廷特資其兵餉。明其賞罰。以防跋扈之漸。如周末之初法。至西虜或謂孱不足結。而靡之爲外護。似不可略。臣向與督臣王象乾言。欲細偵其部落情形。凡大小衆寡強弱。即其父兄子弟夫妻子母之屬。無一不悉其窾。擇其可以彈壓衆部者。而挈其要領爲之羈縻。使厭于所必動而不使不叛。又略如谷云之役。以計餘萬爲外藩。然偵謀須得

紀民

備邊

沉靜有知計者厚資其用而勿以沈惟敬王猷輩爲悞至  
於關外即未盡頓復而當爲急計其流民數萬必襍藏奸  
列在近關亦易爲奸細之穴似當分徙于遠家大而難遷  
者安插其地以歸故土而天津北平居京東皆可屯田聞  
御史左光斗言有遼人可占此事或遼人之少有力者以  
渠限胡馬以糧餉軍不比登萊之不可田也且以遼人安  
插于此亦可爲異日故土之着至一片石而西有戚繼光  
故壘在焉似當大脩葺即可以按其踪跡而爲之備前門  
永平今且爲陵京重鎮更爲山海後勁其防百倍他時  
而阨塞險易二司馬亦且有方略而遼東邊將爲急至于

營兵

儲糧

守城

營兵之濫久未變易懼其徒煩盛而易譁也臣以爲先簡  
精其營將務得精銳志功名者無以文吏操之而清其拜  
座之主質倣古制健升爲親筆而拳勇絕技皆藉記之以  
次選用而類此其擊刺騎射之藝數賞其能精絕者且化  
爲親長而後除責其瘦病益不變常不動衆而陰奪其勢  
至于清詐冒但責其著役有人強壯即冒亦當予票以爲  
真弱卽真亦當簡替其未可替姑任之爲老家更宜發數  
萬金令近都三、百、里、外儲米、豆爲備無太近

都門備而不用便可平糶以惠于人而官饒其息至城堡  
可爲守者其人姓之儲可令守之城堡與夫練鄉兵練小

分錄

操皆郡邑吏之能。至于各省直郡邑備所。俱令各該鎮撫  
府道。一一料以理。銷亂萌。如淮上當南北之冲。當以德鎮  
據其上游。或即以漕摠。但精選其人。而四川之亂。其乘亂  
之民。多干賊法。當散以孤之。而擊其情。凡此數事。非有深  
遠難行。且

皇上湛然虛明。無他濫費。可以捐養戰士。而懸重賞以勸  
功。寬文法以重武。何功之不可成。但兵交原野。議紛

廟堂。此往代失著。至言出而各票擬之不連。肯下而忘  
責成之有效。臣願與諸臣戒之。然惟法乃定。惟斷乃成。臣  
望



皇上定志綜核而持之以斷蓋法非一人之私必先立身  
于法以當天下共由于

祖宗之成憲有言必課其實有事必考其功寬于用言以  
倡敢諫之氣嚴于奏成以息衆議之紛然臣非欲棄老成  
獎新進也又非欲遺道德尚名法也天下因循誕謾如炙  
偷安大厦之不支而苦守門戶要領之不問而半護面皮  
臣誠不忍見

皇上之法格于因循而虛文相應遂敢目天下之私忌以  
徇天下之公夫自古法之利國家者大非得人主爲  
之斷不能行而奉法者之害其中於身者亦大非得公爾

忘身者不能定。一時老成長慮何敢自顧身名。不爲  
皇上主持但

祖宗立法事事有法若言必遜

皇上之心動必諧衆人之意不參酌時勢則于合法亦何  
主持之有臣願

皇上斷于奉法而已爲此謹具 奏聞

女真夾以  
陽如鏡

護守朝陽門忻誠伯趙之龍奏曰臣聞戎狄豺狼不可親  
也自古記之矣昨該臣坐守 朝陽門點閱官軍忽報領

賞屬夷一起三百進城車馬雜沓道路成烟不勝駭異乃  
絡繹不已且傳通州尚有百餘臣念怪之我國家

神聖開基梯山航海之國似難更僕獻珍貢矢而至者不過三五十人耳即如漠北大虜受戎索而授之王爵恭順有年歲時頒賞俱于口外未聞匹馬入關今朶顏諸虜竟至三五百人且其猙獰驚之狀所過不無擾害一入關下潛結居民橫行市肆致與營兵相鬪至有殺傷即太平無事之時尚懷隱憂今東酋西虜似携似合疑鬼疑神且屢陷名城俱由內應此中能保無東首奴細混入其中以窺我虛實者無端縱數百豺狼于輦轂之下而賣刀賣鉄通夷實繁有徒部臣之摘發枷號懸見憂國之患伏乞

皇上亟勅該部不必拘往例。就延時日，即宴賞勸令出境。仍集廷臣行督撫按諸臣設計款諭。照西北諸事例，俱于口外領賞。彼畏威懷德，全將驛遞之費量增賞賜，必欲令辨髮文身泥首。闕廷以點綴太平景色，合擇頭目數人進京足矣。臣有

欽命坐邊之役，諸夷之進實自臣門。賊守所關，倘有好萌發之不蚤，臣實無所逃罪。爲此冒昧

上聞，冒勝激切之至。

行邊贊畫太僕少卿何棟如揭明經撫定案。

此論公平  
湘人之案

揭云職自十五日抵榆關，訪問廣寧逃走根由，與經撫從來治軍之狀，各部道將與地方耆老所言，若合符節。

大都言奴酋攻西平失利將欲回巢撫臣用孫得功為  
 先鋒劉渠為主帥正交後得功急將所領兵分為二  
 翼退後讓劉當先出馬縱一交鋒孫得功帥眾先奔劉  
 渠兵見后帥奔奔亦相奔潰而渠被殺此時奴酋尚不信  
 孫得功等投降之心是實按兵不進使撫臣堅守廣寧  
 不致或經臣將所帶兵五千自開陽飛馳廣寧人心亦  
 自鎮定不敢從逆豈意二臣一自廣寧一自開陽先去  
 以為民望而部道將隨之士民各兵又隨之奔如流水  
 不可復禦矣以  
 撫臣言失在柔而愚臣信間謀信途人西虜不得安  
 諸路各將之心以  
 經臣言失在剛而慢不為預備不為同心協力且欲西  
 非軍兵之人然在撫臣臣馬就逮百姓避道而哭呻吟  
 三聲經臣單騎夜行百姓若罔聞知絕無一逞則寬嚴  
 之分剛柔之別也孫子曰為將之道有五智仁信勇嚴  
 缺一不可撫臣所缺者智經臣所缺者仁病則一徹罪  
 亦相等至于不擇將不知兵紀律不嚴賞罰不明二臣  
 之失一也誰得以意而輕之故  
 朝廷不欲恢復全遼則已如欲恢復必另擇一智仁信  
 勇嚴全備之經略而後可否則愚柔者去剛愎者來徒

時機非泛  
以請純聖  
聖意也  
王于貴備  
相若乎為  
象源奏願

賣兵馬與錢銀何益勝敗之數哉。賊與經臣好同年與  
撫臣從無一面亦就衆人公論一明布之耳。適又恨西  
虜入犯有三百餘騎到入  
里庄。閣上咸疑矣。謹揭

給事中侯震賜以 聖學驟輟可駭。輔臣將順非宜。乃上  
疏曰。臣於昨日接得邸報中見內閣揭帖奉

聖旨。聖旨欽此。職伏而思之。不得其解矣。閣揭未經發抄  
不知其所奏何語。乃邀此 旨。若謂輔臣奏免而

皇上從之。是以懷安塞問學之路。若謂出自聖意而輔臣  
不能救。是以阿順間怠荒之漸也。輔臣老悉于謀。毋視  
今日此舉為小小闕失也。

皇上以冲年紹統踐祚之始。登示憂危。今邊疆失利。喪師

蹙地日甚一日稽之

祖宗朝之登極首事所遭國步多艱未有甚于此者安攘  
之至計此誠爲宵旰講求猶虞不給言者已盈廷矣  
主上未常不虛心以聽受然路隔一膜惟有  
經筵日講  
二三元老可以密宥腹心開壅蔽而啓聖憂而寂乎其未  
有聞也職政欲效愚忠而奉此青文以多難之故輟講學  
之功試問

祖宗有此家法否試問歷代  
明君諸相有此國法否豈  
經筵日講之一謀惟以章句庸談爲粉飾太平之具一切  
時政禁不得開陳乎豈時政在臣子宜講求而

皇上獨不宜聞乎。豈講求恢復諸臣真勞苦焦悴而不暇  
移片畧造勝敗乎。至謂寧謚后擇吉舉行尤屬難解。東師  
于今將五年矣。未有平定之期。倘大未悔禍。或一二年。或  
三四年。倥偬猶故。將

皇上春秋鼎盛。終無陶養之功。就消之益耶。此猶緩言之  
也。今日三韓盡喪。全無一人整頓士卒。撫輯流亡。間將有  
朝不及夕之勢。倘一旦而烽火徹于井泉。而變乃又有蕭  
牆之內。亦聞

皇上于內廷深宮。托之婦寺之手。使几席以外。遂不聞不  
見乎。凡晏安鴟毒。未有不始于微而戰于漸。鑑不在遠耶。



即如

皇祖神宗皇帝之靜攝不出乃郊廟不親朝講不御二十餘年羣臣嘔心力爭卒不得其片念之開悟所幸者初年英斷不移太阿獨握以在內之近有左右到底不敢恣爲欺罔然而厭情之終即釜鬻之始而易世猶蒙其害今

皇上雖聰明天縱實未曾得力于青宮保傅誰能諱之而鋒穎錮歛御左右恩多苟貸惠每濫施當此

國家多事之際所謂防微杜漸而發憂勤易賢奸而杜煬灶勝十堂威行于閩外豈異人任而翻以捨攘之日道之

塞乎在。廷之大小臣工實不可解而猜疑四出謂人心方以愷切之論責獨奏于輔臣而輔臣不能惟輟講可以復短此一疑也。謂望之者切則責之者深輔臣既無挽回人主之術又開要譽。君父之門惟輟講即可以什其故此一疑也。官府相結久矣外而邊事日壞內而是非日淆親近儒臣非中人之所便也則亦輔臣之所不得而不便也。此又一疑也。疑至此而輔臣自無安家之地矣。一時有以千古有誅事已至此須徹卻毀譽利害猛做一番不避害而害反去之不求譽而譽反隨之或不可以必得而知之也而仍是容容故智思圖國之不臧身于何有今師

師濟濟在列克廷而救主之綱尊朝之勤慨乎未有所聞焉則亦祈

皇上察察一念以自爲悚惕亟諭輔臣 經筵日講立刻舉行毋以訓話了事直取前禍敗之故從后修緝之方奏剖聽施行庶 君心可潛而君德克脩其于妖氛不日可掃而蕩平日下可期耳職草疏畢見禮科諸臣有公疏已擬焚草及奉 旨仍云輟數日可見全是抵塞人言非有一毫反躬自咎以實 講求之意且職等一見

青時所相顧驚異者正謂此時此際雖暫輟一日亦非所以爲名又何事數日與數月也哉邇者

皇上朝御之期。間從傳免。昨忽爾訛傳。遂至班行寥落。幾不成禮。以褻朝儀。益晏安不止于此。見端矣。向風霾四塞。白日無光者。兩晝夜。不勝憂懼。仍敢以責備輔臣之言。達之天聽。以祈

皇上自爲計。及時脩省。惟

皇上立允施行。

閩鳴泰袁崇煥監軍山海。

職方主事袁崇煥仰荷

聖主殊恩。謹列急切事宜。以圖報稱。疏曰。臣小秩也。兩年作令。

皇上即拔之樞屬分已逾涯。又允寺臣之請擬職銜監軍。此從前臣隣未有之知遇。萃臣一身。臣不竭犬馬之力。但非臣且不得爲人矣。臣願以兵部主事即日辭。

朝出關不敢妄有所覲。苟能集事。何擇于官。不能集事。何取于官。誓不以身蒙速進之恥。赴今未陰。一刻可當千金。遲一日悞一日之封疆。早一日脩一日之戰守。但事難遙度。機不可預圖。惟竭盡肺肝。偕視師行邊二尚書。尚度戰事。事事手到處處躬親。必不令虜半步闖入榆關。凡所急。容臣陸續上。請惟器械待用甚急。或僱騾或驟車。立刻發去。至于立營堡諸料。如竹木蘆蒲。秫稻。鋤到即必。

用者。但關上無餘物。即撫寧亦荒縣。不得不借材于別地。如竹木草。盛于天津。應動何項錢糧。及何人可差。屢收買搬運將去。若兵則見在浙兵。新到者。及太練。逃回之舊兵。自足以固守山海。若遠圖恢復。非銳卒不可。勢必用廣兵。除陳九德所帶來水兵三千。聞其在道。秋毫無犯。節制可觀。已蒙部復。議至山海。令臣監練防守南海口。此誠急着。但恐徑赴登萊。費其道路之往返。本部宜差一人前往催督。然防海則必需船。又當及時早計。須如廣船樣範。方可禦銃砲。彼中自有匠人帶來。當于天津打造。俟兵到日。先發至山海。爲目下急防。船成之日。方發船于南海哨泊。

防禦如奴敢以舟師犯順臣督此三千之卒殲之海上有  
餘雄也惟廣之步兵勇捷善戰必不可少臣向已屬江西  
臣叔平樂府推官袁玉佩兄取來京令其整將所結納  
之死士盡數帶來併臣之結納如武舉謝政洪安瀾湛濯  
之候題中書原抱奇原任典史洪錫朋毛胤昌把總許應  
國布衣張時傑羅大灼俱能以謀勇宣力或調舊兵或招  
新兵共成六千臣收監之前來將知兵兵知將一脈貫串  
生死不離不必如部議另委道臣府佐以滋擾也然安家  
行糧衣甲器械每人非二十餘兩不可部謂量給行糧升  
斗安足以致豪傑但十餘萬之費應用何項錢糧須明白

開坐以便給發。王廣西之狼兵，雄于天下，衝鋒陷陣，恬不畏死。須于田州調二千，泗城州調二千，龍英州調一千，狼兵例無安家衣單，止有行狼計，每名六兩，可到京矣。亦應動何項錢糧，令土官選擇精銳，親自押來赴戰。見在薊鎮督餉推官林翔鳳，臣之至戚，慷慨知兵，且善武藝，與諸土官交契最厚。昨罷一京職，往彼催調。本官見任玉田縣，臣過玉田時，與語甚悉，如廣兵之逃而囂也。臣與叔任其咎，土兵之逃而囂也。林翔鳳任其咎，招之，且練之，督之，整之而戰，始終臣與臣叔及林翔鳳三人。蓋文臣而躬武將之事，托性命于衆兵之中，圖之必力者，況臣叔官粵，林翔鳳



官前俱以廉勤見稱焉。敢孟浪作事。他日殲夷得力。如在朝鮮播州時。必此兩路之兵分明也。他日戰之不力也。即斬臣于軍前。以爲輕事者之戒。伏乞

皇上勅下部再復立賜施行。以不就時。此東事之最急第一着。臣所以報

皇上知遇者焉。敢有留而不竭之肝膽。今奴嘗當此奔走之衆。謂海內無人而貽羞天下也。如聽臣之言。行臣之志。臣必立效以舒中國人神之憤。不但鞏固山海。即已失之封疆。行時復之。謀定而戰。臣有微長也。爲此謹具

奏聞。

開日講

原任大學士張位男張太朴陳情奉

聖旨舊輔張位佐理忠勤功存國本既復原官蔭伊子太朴尚寶司丞應得卹典着該部查例具奏

大學士沈淮直陳安危之介一疏曰國之安危在乎任人失忠與略何以事主若偃蹇脫卸并無殺賊之志而以封疆委之則國大危萬一用此等人既已失事唯有三尺法耳惕然正法則國安則謀駭法則國危安危之介不待智者知之也然智者占風望氣顧惜情面反不如愚者一意奉公爲國計邊計不復知有身家性命之私計失身家性

命且不知又何知人之毀譽愛憎哉臣愚人也竭蹶數千里而來爲遼事也凡同官及部院台省會議臣卽盡言商確不識忌諱爲遼事也然而台省諸臣連篇累牘攻臣不已者亦爲遼事也但臣之爲遼事者唯恐朝廷弼本無殺賊之志而王化貞有其志者又無用兵之略皆足以誤遼棄遼而諸臣之言遼事者則不然本非爲遼直是護一熊廷弼耳旣以誤遼矣河西之百里棄之如脫屣矣旣以爲不足守而煨之一炬矣尚曰使之守關爲此言者爲關乎爲廷弼乎譬之守家者京師堂奧也山海關門戶也而河西藩籬也今旣撤藩籬而省道又將以門戶付之豈欲其

開門延寇乎。故臣于此時，不得不正言諍于諸臣。旣已不用，廷弼守關則旦夕之危，或可稍紓。其或違或勘，及後來議法之輕重，有法司在，難違公議。尚書王紀于熊廷弼審語，有云：「比之楊鎬，更多一逃；比之應泰，又少一死。」此十六字，可不謂鉄案乎。故臣以正人許之，而豈知其中情亦怯也。奉

旨而佯爲不聞，旣難逃明眼之覷破，獄成而歸于同辟，又不禁邪黨之怨尤，遂巧出奇兵，歸誠言路，何其自待之薄也。總之，臣願諸臣寧愚毋智，寧守法毋顧私交，爲

朝廷堂奧門庭計，不得不惜藩籬。河西潰而藩籬撤矣。臣

恐門庭不固而堂與危也、不能不痛恨于棄之者、爲  
朝廷賢才上下計、則不得不破藩籬、南北分而藩籬樹矣、  
臣恐賢才不信而上下亂也、不能不深望于撤之者、

三月丁未

桂王第一子生。上疏請名。

命照福王庶子例行。

命另推遼東經略。

時已會推解經邦矣。連章苦辭。且修都下家卿。上怒其覘避。並任為民令。易漢川。

升王在晉兵部尚書兼右副都御史。經略遼薊。津萊軍務。陝西鎮異。

初二日三更。北門鎖連響三聲。鎮異。謂落地。隨即窺視。並無人影形跡。

經略王在晉上言。時情甚異。伏念東事離披。一壞于清撫。再壞于開鐵。三壞于遼瀋。四壞于廣寧。初壞為危局。再壞

任首每製  
川十議者  
千古同恨

爲敗局三壞爲殘局至于四壞捐棄全遼則無局之可布矣。逐步退縮至于山海此後再無一步可退故今之所稱經略比前事勢更難而今之任經略者又比前責任更重。人以此爲棄官之地亦以此快報譽之私臣以驚材責之千里既鞭策沒加忍視險巇之顛蹶又羈勒緊扣直令蹶蹕之難前不行則以

國法繩之詞嚴而義正既行則以微言中之謀詭而機深甚則借事以微名無端而起請使聞聲者或併疑其人而顧影者必潛匿其跡平地忽生荆棘暗中盡伏戈矛眞使笑啼不敢行止皆難此今日之時情也即使奴酋捐金反

聞亦難得此舛戾之人情。

國家何負于群臣。必欲覆兩翻雲顛倒簸弄。以

人主爲孤注哉。但願

皇上默矚臣隣中。議論孰爲直。孰爲邪。孰爲

國。孰爲人。邪正之分。是非之辨。自莫逃于

睿照者。夫天下事決裂至此。諸臣尚不回心懲愆急救傾

危而徒立戶分門互相攻擊恐

二祖十宗在天之靈必將

昭鑒。非以愛國亦非所以自愛也。臣行矣。不復泛談朝事。

一心以急邊計矣。臨發可勝悚息之至。



此疏係詞  
可憐

原任經略今革職回籍聽勘熊廷弼請逮以免飛禍疏曰  
再勘余生再叩

皇上沐恩重托職豈銜結不如蟻禽職豈報効不如犬馬  
祇緣共事匪人怨毒竝作事事破壞若着牴牾既要臣同  
功罪而又不許臣節制既要臣往來策應而又不與臣兵  
馬既駁臣主守而惡守若仇及棄守而又以不能守咎職  
既詆職沮戰而玩戰若狂及戰潰而又以催戰咎職乃人  
猶有言早知今日不如去年八月過河一戰尤可存廣寧  
者不知撫臣特以戰哄

皇上哄士大夫而屢屢與臣手書則皆言進兵爲虛聲而

非其實也。昨出其書與撫臣張鶴鳴——看視。始悟撫臣  
為說謊。悔已為悞信。又自謂悞。

國之罪不可贖。而謂臣何不明白早叅之為憾。蓋至此而  
戰守之是非定矣。卽黨護撫臣者。亦知此說之不勝。而別  
主先逃入關為題目。以定殺臣之案。不知撫臣不逃。卽道  
府官何敢逃。撫臣不開門放民。開獄放囚。傳令箭放軍兵  
而死守以拒賊。臣何敢不援救。撫臣不以城池庫獄軍民  
付叛賊而全以付臣。臣何敢不移鎮。撫臣不逃走近閿陽  
臣何敢先出閿陽一步。撫臣不承領臣之兵馬護民緩行  
臣何敢剋抵關門一刻。蓋至假捏口報。被人叅被逐日路。

程開報明白而先後之是非又定矣。于是乎撫臣無計而  
黨護撫臣者亦無計也。相與共謀代改疏揭。扯絕不相干  
之事。造絕無影響之言。買絕難理會之人。紛紛賣謠言。出  
揭疏。自驛遞村市以及

國門。無地不傳遍。自門廚卒徒以及長班貢虜之類。無人  
不傳遍。而猶謂未足以殺臣也。則但造謀反出口之說。而  
內外布散之。樞臣原未遣指揮下書于臣。臣原未殺其下  
書者。而造言者曰。本兵差官爲經略所殺。以致信者。謂我  
欲差官往下咨。而愁其被殺也。臣一日出關門看邊城高  
卑。以便增築。而造言者曰。臣往芝蔴灣投虜東去。幸得孫

鎖守趕回以致臣不敢一足復出關也。關上官軍士民曾跪拂臣門乞留守關者屢日。而造言者曰：經略素得人心，然性急不堪屈，必激變而據關以叛。不如先奪其兵柄，不知臣原無兵無馬，何柄之奪？而徒恐軍民懇留不敢白晝離關門而夜靜潛行也。臣十九日往海洋民間候完奏繳事理。其地去山營十里，石門寨三十里。臣約該村兩生員往看險隘，因知一片石黃土嶺爲東賊冲地，極近極薄。當亟亟設險防禦，其又險界嶺各口。昔隔西虜且遠且厚，但馭西虜如法，而東賊斷不能入。意欲得此爲新令尹告而造言者又曰：經略已出口去，故臣一路驚惶而投奔無所。

也此等流言既已早布于

京師豈不上達于

禁密極知此沒理不足信之言必不能以惑

聖聽而曾參殺人三至慈母爲之投杼臣不勝惶怖惟我  
皇上至仁如

天地至明如

日月于撫臣則逮于臣則革職回籍聽勘而其後又奉有  
已有分別處治之

旨王言渙汗臣似可恃以無恐而惟是以薊東如此之密  
邇行踪如此之明白尚不旬日間欲加臣以殺身滅族之

事而臣若南還一步其流言又不知當何如者又伏躊躇  
不若目請

詔獄以息流言以消殺氣尤足以全身名保宗族而終我  
皇上放生之初慈也此臣之所以不敢回籍而請

旨愿逮者也臣此回籍不敢用夫馬不敢入衙門僱脚下  
店以盡罪臣之分今已到蘄州矣不兩日可抵都門之外  
聽候處分伏惟

聖明立賜

裁決施行

大學士策國禎上言典試偶因特點人情遂生猜疑

上曰典試出自朕意豈得妄疑今疆事未寧正需匡濟卿還仰體朕意卽出佐理不必再陳

巡按方震孺奏報前月二十日據監軍道邢慎言等密稟據回鄉言奴賊四外搜糧今覺華島尚有米豆二十餘萬人民數萬船隻器馬無數今祖天壽據而有之旦夕與賊通此山海剝虜之患臣當時欲遣人撫之有水兵都司張國卿稟稱事體重大非撫按自去不可又奉報部密言議此行只宜安靜不可生事臣心服其言于是浮于海連日颶風船不能前于三月初二日風始定臣從芝蔴灣票船寫牌十數道一諭祖天壽曉以利害一諭潰回兵將示以

寬政一諭島上士民激以忠義又訪聞祖天壽之婿吳良輔者見在石門臣自遣良輔同國卿往說之且戒之曰脫有變但曰按院在船上爾等共往殺按院可耳良輔受命而去一連八日無消息至初十日未時見大船十五隻自東飛來則臣所遣張國輔也據稱奴賊已數遣人報致島上一二叛民已造船欲往投奴正在猶豫間而我招撫之人適至天壽一見良輔且問臣在船上等候不覺痛哭生員數千百人見臣諭帖亦哭遂糾衆投順先用大船十五隻載天壽妻子兄弟及士民千五百人至關而天壽仍暫住島上爲我搬運以通判吳自科住島上監之蓋遵臣之



憲牌也是役也共救回兵士餘萬人民萬餘器甲無筭牛馬千餘匹皆樞臣之指授也

吏科候震暘疏論葉輔

上曰朕方臨軒策士明日讀卷今日上疏侵及輔臣是何主意候震暘不諳事體姑調外任以安輔臣首科盛典輔臣還體朕意遵旨供事不必介意

吏科趙時用

恩典不宜濫徵疏曰竊見年來仕縉大疏

仁恩普遍林下諸賢已破火鬱之烟霞卽九泉故老猶沾身後之雨露蓋

皇上所爲張網恢羅者。真無一賢不舉。無一人不卹矣。惟是有一官則有一官之序。而歷此級斯有彼級之轉。功令較然。豈容混越。而今奈何于京堂而獨越之也。乘疏通之會。爲速化之機。尙未經任。遽爾移升。家園可作官途。攫取真如捷徑。以致光祿大僕尚寶之三堂。添注幾無坐處。而內外南北之側轉。閃忽不常。過電卽謂林泉已久。不當復拘以常格。彼非林泉者。何可令之無一日之任。日轉迂之榮。使人沾沾然有倖心。則銓府權宜之至。所當俟其到任。再計俸量述者也。至于故官之贈卹。自是新

朝恩典稍有優厚。原不爲遲。然亦須論其人之平日。立

朝有何助猷。若卿有何風節。不幸而奪官。有何完節。爲之  
子若孫者。方具疏上。

請而同鄉士大不妨明以公擢。乃今濫觴極多。求  
贈求卹。祇圖

恩賡。請者因緣于利。卽揭者亦多出于私情。非。借

國本爲題目。則捏邊功爲勞。助以致生前之奸污。一身可  
以盡洗。而未定之評論。代口爲之游揚。此雖未必盡然。而  
濫賞者多有。紛紛請乞。迄無了期。若以爲

單恩無擇也。豈

新主之曠蕩專爲此輩設乎。且贈一不當。而卹非其人。不

亦輕

恩例而失風厲之權乎此後遇有陳

請該部須當博訪使公論有歸方爲覆疏無槩據一子之游談便作舉

朝之公案也夫前任未歷而后任已升本官既該加贈后人又蒙賡錄此皆今日之新例莫不侈談以爲故事卽臣亦豈欲沮人登進之說而使宦后有零仞之向隅所慮者銓法浸移

恩典大褻則人皆倖于一得後且莫知所底

國紀所關正須杜漸于微耳伏惟

皇上

勅下該部、每京堂有升轉、必以到任爲序。故官有  
贈恤、須詳核其生平、則畫一之法中。而倖竊無所容其私  
矣。

經略王在晉防內應外疏曰、臣至謏菲蒙

聖恩、拔臣于儔儔、委以經略重任、今天下事、孰有急于遼  
者耶。

朝廷用人、孰有重于防遼者耶、以

社稷山河之重、而根基命脉、寄于一九泥、隄防疎密、安危  
立判、左山右海、人以爲天關地軸、而不知山海之無足恃

六議深中  
詳機可謂  
老成謀國  
之至計

也。關以外付之祝融。燒殘之餘。燼徒存。關以內。燭于風。奔北之驚魂未定。鈍戈敝甲。委頓成丘。廢堞頽垣。凋零度歲。欲恃兵力。而兵力不可恃。恃人心。而人心不可恃。恃地險。而地險又不可恃。所恃者。

宗社無疆之福耳。

聖明出類之姿。瑞應河清。

一人有慶。爲百靈之所護耳。然必內嚴而外自治。內安則外不危。則今日之急。急于憂內。請得而陳其略。一曰防內患。當河西初潰。衆心惴惴焉。以募兵爲急。而臣知。

輦轂之下無兵也。招兵則間左之豪。草澤之雄。一時畢集。

爭開必多焚掠必起臣是以不肯多招而又申嚴入城之禁蓋無兵之患患在虜有兵之患患在兵虜之患遠而兵之患近各宜督責招兵將領嚴加挑選奉師提手須用防閑賄棍酒徒悉行汰斥一兵爲橫一伍竝坐凡暴戾兇惡之人無容混入以致敗群其有自關上逃歸及通津食糧原兵去彼就此棄少就多押解歸營仍以軍法從事庶得兵之用而不受兵之害矣二曰詰內奸奴自清撫開鐵以及河東西之陷何者不用奸細之潛伏而用計最詭用財最廣用人最密故破奴之法莫要于查奸細

都城一載之安殺劉保之功也今

長安之爲劉保者不知幾何。緝奸之人卽爲奸。故詰奸不在遠求之左右。而其人在也。流民之中有蠹焉。潰卒之中有賊焉。城市之中有窟焉。腹地無奸賊。必不來。卽來而不敢入城內。無奸賊。必不犯。卽犯而城亦不陷。緝奸者必精密。而後能得之。必重犒。而後能構之。一家容奸。卽將本家財產盡給護。奸之人知情者。竝斬。保甲容隱者連坐。臣于山海衛昌等處。卽以此法行之。無敢縱矣。三日飭內備。夫內備者何。積柴米。運磚灰。買煤炭。凡油臘銅鐵竹木皮革等舖。遇微卽搬移入城。凡倉庫銃炮刀鎗等件。遇驚卽分撥坐派營屯臺堡之急修。所探守望之必謹。今



都中緊事莫緊于衛重城以重城可階梯而越也。莫緊于守草場以草場可火箭而焚也。人莫侮予則有未雨之綢繆在矣。四曰嚴內衛洪武間凡

朝參午門先放直日提督將軍及一應帶刀千百戶散騎舍人以次而入上直官軍三日一易于

朝退辰時交代凡內使大者出門必比對銅符密加搜簡今漸非其舊矣班行叢雜防範疎虞羽林飲飛但消糧而掛伍金吾力士徒列戟以排行至于虎賁龍驤破衣敝履皇城守衛道常朝之凡僅有疲卒數棍邀喝至于等閑時日查點不主任其高臥是以

祖制盡壞銷萌剔蠹庶

皇居遂密杜蕭牆之繫矣五曰節內供年來遼左軍興供億煩浩甚以川酋造孽支應東西新添五百萬有奇而歲費且三倍民間之力竭矣外無可供則不得不取給于內帑而內帑非淵淵無底之物取亦有時而窮用亦有時而盡

皇上欲恢復遼左城池人民須從新肇造芻糧軍器須從新搬運將來經費不可勝筭卽防山海而築城造堡建臺修墩搗軍買馬整器治械所費不貲如欲聯屬西虜歲費尤難預計必非司農所能克辦也

陛下于燕閑之暇須密密清查。御帑若瓊林大盈之積百凡內廷供應服御頒賞之類俱從節縮以佐軍興臣亦當量力而進不至束手無措庶免尾大不掉之患矣。六日急內應關內住札兵馬一應木折色芻糧銀兩銃砲盔甲車仗等件悉取給千戶工二部惟是外間待用甚急而內事悉多耽延疏發數日而抵京三日而候

旨又越一二日而得科抄又抄到累旬而不復者有起解決月而不到者來者急足而馳去者緩步而應以呼吸之軍情爲等閑之漫視痛癢不關泰越坐視臣深有憂矣請與諸臣約凡本章一下公移一到朝至而夕應如遇三日

卽令科臣叅奏。着所司回話。庶聲響相應。表裏協一。不至  
臨期誤事矣。此數者皆屬

君心之默運。

廊廟之主持。而其要又在

皇上清心寡欲。勤學好問。親賢遠奸。感格天心。以綿國造。  
臣願竭犬馬盡力封疆。奴酋不足平。而

聖世中興之業。卜期可睹。忠臣去國。不忘其君。一得之愚。  
以當獻曝。惟

聖明 裁察焉。

御史江秉謙罪樞亟宜正法疏曰。頃者河西不守。失地喪

師臣疏糾兵部尚書張鶴鳴謂其罪在經撫之上法雖不貸

皇上特以其行邊方新疆事爲重薄罰臣以安之未嘗許其無罪也今

簡用經略王在晉受事議行業已有人彼鶴鳴者將聽其蟒衣玉帶優游關上乎將猶覩顏入朝還據中樞乎

朝廷有法紀

祖宗有典章非

皇上之庇所得私非鶴鳴之悍所得避亦非臣下之愛憎所得而高下者也蓋我

朝設立兵部尚書其責任最重邊疆之調度戰守之機宜悉憑其操縱指示故勝則與邊臣同功敗則與邊臣同罪卽鶴鳴去歲辨臣樞經相左之疏亦云經臣無功臣部與罪經臣成功臣部與榮臣部與經臣一體此固二百年來之律令實鶴鳴今日自供之辜狀也

祖宗故事如

世宗朝之斬丁汝夔法已凜凜又再以

神宗朝石星事按之石星非有失地之辱與尸之凶第倭奴侵屬國偕主和議遂以誤國論死視鶴鳴之剛愎自用失地幾千里喪師十餘萬其罪更何如乎經撫罪下法

司道帥纍纍就逮。鶴鳴豈身在事外。法有兩條而可不亟逮。不亟下法司乎。且鶴鳴非獨法無可逃而誤國之情更有可恨。方其一坐樞堂。卽與王化貞相比。與熊廷弼相忤。初尤不過鹵莽而無遠慮。急于貪功輕躁而無沉機。倖于一擲。迨至隙釁日深。殺心頓起。明知西虜間諜俱虛。而限于瞞心。明知戰守參差難合。而硬爲責備。何處有機會。而曰機會可乘。何日可過河。而曰過河必勝。旣欲驅經略以出師。又不肯付經略以節制。旣疏置廷弼于廣寧。又未嘗駐化貞于何地。一味糊塗。一團機械。只殺了廷弼便可快心。縱陷了化貞亦不顧。是鶴鳴故壞封疆之情殆有甚。

于失誤軍機之罪也。尤可怪者。

皇上只命鶴鳴查道將各官具奏耳。而鶴鳴復疏首言延弼起用。當駐廣寧。不當駐山海。爲變局。是查舊家也。是查舊政輔也。併

皇上當日委任。查其不當矣。鶴鳴何不早具奏耶。又言延弼一咆哮。言官卽爲佐闕。先伏救逃之機括。不思言官之言已驗而愛國之誠反指爲佐闕。

皇上曾命其查言官乎。其中種種舛戾。難以枚舉。凡是隨延弼者。道將俱該處死。凡是隨化貞者。道將俱有可原。至明明棄城逃走。件件斷送河西。而猶云化貞功罪相半。只



此一語。寸斬鶴鳴。不足以贖其欺。

君悞國之罪矣。鶴鳴猶侈口以定他人罪案乎。抑鶴鳴罪  
矣。職方之當論罪。又何逃耶。蓋中樞與邊臣同條。臣方與  
堂官共論。鶴鳴之失着敗局。盡職方之詭計陰謀。若使目  
前之罪狀不定。聽其抽身而去。異日之是非漸冷。又將蒙  
面而來。是罰無損其毫末。而且爲彼卸担自在也。世寧  
有此國法哉。伏乞

皇上仰念

祖宗之法。不可不正。俯念億兆之憤。不可不伸。大奮乾斷  
將張鶴鳴

勅下法司。併究耿如杞如律。庶賞罰平明。中外震肅。天下  
事尚可爲也。奉

聖旨。樞臣奉旨視師。凡夷虜情形。兵將布置。尚未報命。且  
會查功罪。獨力担承。不避嫌怨。何得遽爾苛求。以阻勇往。  
江秉謙欲申前請。倉皇責陳。好生不識事體。奉當重處。姑  
調外任用。

上可受七  
可怪寫盡  
時艱深言  
勝十痛哭  
吾明實表  
沙也

尚寶司卿滿朝薦彈。實心息浮議。疏曰。臣惟國家之興。成  
于衆正。國家之敗。始于官邪。從古及今。未有易者。行途一  
殍之惠。思所酬之雞犬一畜之微。不負所養。况

祖宗三百年作養。詎止一殍。臣子半生光榮。奚啻一畜。

假令薄所酬。虛所養。寧無覲面而棘心也。或者世主剛復。金帛開格。卽有誠惻。未得陳見。猶可原也。今者

黼座時臨。

天顏辟盜。諸凡以

經筵請。以推升請。以枚卜請。以廣額請。以發帑請。以募兵請。以設備請。何言弗聽。何計弗從。遭此

聖明之主。大臣小臣。果秉實心。勿私開門戶。果課實效。勿私徇體面。則下濟上行。何治不臻。奚至驚競乘。以廢弛。隲爲卜大可憂。而以其憂貽

君父乎。職謬具

祖宗剪棘披莽以有疆上得尺得寸皆瘡痍所貽也作俑于輕視奴酋梯孽于重用叛將撫順開藩束手歸降失望瓶之守開溫觴之端威國辱國長此安窮食其食衣其衣喪其師開其衆此大可憂一也方撫順開藩之喪慨然正法誰甘犯刀斗投奔饑者錢神作合與援庇私尤而效之莫可底止繼之而遼陽繼之而廣寧或開門而媚虜或聞風而棄城國家二千里疆域頓減于門戶私人國家千萬生靈百萬糧餉斷送于體面私好今且有山海關之虞不太逼乎腹劍舌鎗甲乙角勝雖今國家作何結局大可憂二也廣寧之役撫臣先去以爲民望經臣亦

隨之而奔關。此後風鶴成敵。草木皆兵。致解經略。規避滋議。今業有專屬矣。議者尚厯前車之鑒。課材課品。果有加于三方布置之略乎。且樞臣臨塞。贊畫題兵。未見確有勝筭。乃其請餉之疏。請爲偏裨加釘之疏。併報奴酋驕橫必犯之疏。不一而足。似屬三鼓之氣。能責成功乎。近邊索餉之伍。至辱道臣。能保驕卒可用乎。樞部會推將材有人。叩其衷。亦不識兵家之奇正。布置何辨。而悍氣爲驕。代衆爭餉。欲加于邊臣之上者。其果能將乎。新推經臣。能清弊竇。令凜然歸節制乎。如不能令歸節制。何可以督守。督戰。懼其爲廣寧之續。大可憂三也。國家惟兵權。一毫假借不

得。蓋兵權國之利器。不可以示人。從古堯之于大司馬。故  
本朝土木之難。于兵部獨力經營。第倚楊石二將。遂能長  
驅逐電耳。漢唐宋之季。兵權散寄。國社遂虛。何至今日而  
相臣有兵。禮臣有兵。內監有兵。外戚有兵。各以衛國。實以  
自衛。兼以射利。何不重自愛惜。甘于作俑。而令國家尋  
三季之後車也。假狐鼠羽翼。登之便閉。像雄紛拏之迹。遊手  
候冰山。誰敢盤結。奸細投與穴。莫與追尋。倘不急爲處分。  
此正國家大難之端。將來最難收拾者。大可憂四也。國  
之錢緡。民之膏血也。膏血只此數耳。一殫于惟正。再殫于  
推稅。再殫于逋役之加派。師行而懷愈煩。輸重而求彌刻。

馬疲而箠益毒。里多虛舍。滿徧弃骸。遼陽陷而七八十萬之餉消爲洋海之茫。廣寧陷而五六十萬之餉難止。望梅之渴。去年六月。非有奴師。撫臣何以爲西虜兵集。而捐十餘萬之犒。迨後十二月。亦非有奴禍。撫臣又何以爲西虜且至。而積十餘萬之賞。又聞廣寧至右屯。其弃地糧食有十里之長。六里之寬。堆集如陵阜。曩時撫臣何不以餉兵令其餉而內潰也。膏血剝之如此。泥沙弃之如彼。山不供野火。水不實滿卮。展眼數載。便成懸壺之象。大可憂五也。草澤之干旂。荏苒之庚癸。綠林之結聚。黃巾之縱橫。豈伊異人皆窮賸之民。結轡之氣。匹夫首難。雲景風從。輕則裂

封疆重則壤國祚方今東征西討磔骨剝膚家無信宿  
之儲生有須臾之迫邊訐而雖停派不得加派而欲禁民  
亂不得民亂一發而與償所失亦不得臣恐危亂不在邊  
疆而在窮民螻蟻沸美朝不保暮大可憂六也森嚴宮  
禁日仰天高蜚語黏傳疑鬼疑神曾萬年共主雅有

天地河山之護持尺弱微陰敢效魑魅魍魎之竊發宵人  
或談劉呂之左右袒蓋夫亦微成古之伯仲訐回視萬曆  
初年離襁保者未久一張君正彈壓之遠邇帖然而今若  
此窺垣有戒伏莽有懲大可憂七也廣寧一帶編戶避亂  
奔關當事者收拾未爲不是但其給屯安插不宜密邇



京師就插處之衆、仍照保甲法、稽查防範、彼開藩遼陽之外、合廣寧之內、潰夫非此民耶、矧此插處者、其妻子皆在奴境、瞻戀骨肉、自是至情、萬一窺關、安保插處不爲嚆導、恐又尋開藩遼廣之覆轍也、近關外將來歸第、宜處之前後屯等處、按季給餉、藉爲外蔽、勿令內據、勿尋李永芳孫得功之覆轍也、大可憂八也、三代禦夷、六部羈縻之耳、唐之借師突厥、頓虧國體、宋之合元破金、隨蝕國祚、狼子野心、吁嗟膽撫、嗟口嘗試、言利在速戰、與金媾虜、云西虜足恃夫、昔陷遼陽、西虜不啻借奴酋二萬卒耶、殫力取媿、能加于奴酋、所奉遼城餉金之數十萬耶、并獲廣寧所撒之

十餘車耶。覆轍如此。猶訛傳西虜之留戀。瞎撫也。瞎撫猶揚言孫逆之先戰後叛也。

天地有靈。

社稷有靈。恐五丁押神弋群厲攝奸魄。如此顛倒庇護。始于黨終于賣。國大可憂九也。法司因犯愁苦無聊。應與昭雪者。或以一人私憎。遂淹閹獄。或以前言積案倦于平反。應與獻決者。或以鄰家吹黎。寒谷借陽。或以孔方作緣。福堂養寇。案增一案。年復一年。積至二十有餘。累幾許愁腸。安知無一緘密約。希心外做乘急內訌。隱隱蔓延。危于累卵。大可憂十也。有此十大可憂。

乾坤何等跼踖。

君父何等霄旻。吾意凡爲臣子者。心營身理。不愛髮膚。乃不負。

天所委。不負。

君所寄也已。而今何如哉。共事一

君。何彼何此。各營一壘。畸濁畸清。意氣投。則壚贊之。揚詡之。甚或托葭室于心知。而多方以藻績之。臭味殊。則誹謗之。挫折之。甚或假狠拳于儕輩。而百計以排害之。不獨通。通關都。往往塵于

睿覽。臣怪其是非之生。

閱其言詞。不如稽其事蹟大。

抵有本領者決不彌逢人工彌逢者決是無本領若交厚則罪可飭而藏醜交疎則長可匿而呈愆馬謖或併街亭之敗。今公或蒙斬趾之刑臣怪其功過之失實也。見有以邊將門借譽者驟寄以戎索未必班勇之繼父助見有以邊才自售者輒委以兵機而或傳中行說之習摠領臣怪其推引之失實也將壇洞混一之圖草廬等三分之鼎定計于早程效于當耳陳陶叙之師覆繇宿望富平之役敗自名流所長不符所任也何爲乎借籌見長提桴遠攝者而必欲斥之課政有聲韜鈴未試者乃曹議陟焉臣怪其材與地未相習也。

皇國基隆萬方俱受其福庶明厲翌

皇國乃得卽寧臣各有心奈何不爲國用而爲党用豈

私交靳于

主恩盍簪加于匪躬耶曾不思覆舟寧有身骸顛樹寧有遺卵臣怪其爲國與家兩俱外也已或茆所私而党也先誣人爲党以張瞞天之羅已或有所染而汚也先指人爲汚也以置箝口之鐵箴獲慢罵之口點綴白簡婦姑諍許之語妄瀆

紫宸公然混薰蕕顯焉恣鹿馬蔽目塞耳覆地番天甘以自身爲糞爲溺而不恤寢以流禍覆宗毀玉而奚辭臣怪

之候。國與家。無了期也。臣從入京後。陸續得閤邸報。儘有清議堪效者。巖廊上不亟是之。儘有橫恣不軌者。巖廊上不亟黜之。聽其爲中流不係之舟。坐看夫陰晴未定之局。臣尤怪其爲楫爲楫。未究用也。以此七可怪之變態。合于十大憂之禍機。忽忽同舟之風濤。噴噴蠅蟻之穴闕。時艱已迫于燃眉。臣不忍問賈生之涕也。非故習爲叫號也。當途半躄于虛權。臣不樂問朱雲之劍也。亦不甘于暗啞也。一縷血腸。數幅衷語。仰干

皇上明勅。諸臣云。凡爾大小臣工。各實圖靖共。贊劾匡襄。勿蹈模稜。勿習伴食。勿暱向陽之卉。勿眩影兮之坏。勿再

狗門戶體面舊套促損我邊疆動搖我步至有不恪令者  
繩以法無貸然臣又有進于

皇上者在昔

帝王有師傅朦誦采及芻蕘者盛治光萬禩焉采朝講之  
令清問其大臣巨卿盛典也臣以爲卽次之而部院大僚  
又次之而察案散職亦當就會輪班須問其詳策畢舉昌  
熾靈長銓宰亦何憚而不爲此臣夙負強項之態不識忌  
諱臚列

上陳惟

皇上視臣疏爲鄭俠之圖慨然嘉納七可怪加與一一滌

除十大憂。從今密密搏挽。則臣愚幸甚。天下幸甚。

薊州緝獲奸細杜茂等。題叅到部。尚書張鶴鳴奏曰。自遼瀋失後。奴賊與李永芳。修養性陰謀。多養奸細。多資金銀。布滿關內。布滿長安。全遼之失。盡繇于內地之蠹。臣每恨之。而不得真確情形。茲薊州拏獲奸細杜茂。招詞詳悉。的爲李永芳差來無疑。其招供十年通李永芳往來踪跡。差人姓名。使費銀兩。犁然可疑。但十年叨登進士受國殊恩。豈無一毫犬馬報主之心。而尤犯萬磔叛逆之罪。非爲昏愚大無良心者。端不至此。然據茂所供。則



華轂之下皆逆虜舟中之人皆敵國殊令寒心既有聞見不敢不入告伏乞

皇上勅下法司將杜茂終十年等嚴提從公究問果真速正典刑如在宜爲昭雪庶紀綱振肅而奸宄亦可以消矣  
陝西雞興

居民王連榜家  
白雄雞生卵